

影印
文淵閣

四庫全書

影印

文淵閣四庫全書

第一二〇七冊

北京出版集團公司
北京出版社

本冊目次

道園學古錄

元虞集撰……………一

道園遺稿

元虞集撰
元虞堪編……………七〇七

欽定四庫全書

集部
道園學古錄卷二

詳校官庶吉士_臣李如筠

侍讀_臣孫球覆勘

總校官進士_臣朱鈐

校對官中書_臣孫球

謄錄監生_臣項朝槐

欽定四庫全書

集部五

道園學古錄

別集類四元

提要

_臣等謹案道園學古錄五十卷元虞集撰集

字伯生蜀之仁壽人宋丞相允文五世孫居

江西之崇仁從臨川吳澄遊以薦授大都路

儒學教授擢國子助教遷集賢修撰翰林侍

制兼國子祭酒文宗天歷中拜奎章閣侍書

欽定四庫全書

道園學古錄

學士進侍講學士順帝初謝病歸臨川卒贈

仁壽郡公謚文靖集著作為有元一代冠冕

平生為文萬篇存者十之一二其在朝應制

歸田方外諸藁總五十卷者曰道園學古錄

其中之詩稿亦曰芝亭永言又有別集曰翰

林珠玉其從孫堪又訪得其詩七百四十餘

篇曰道園遺稿今之行於世者又有道園類

稿與學古錄互有出入金華黃潛以學古錄

為集手自編定然其天藻詩序云友人臨川
李伯宗輯舊詩謂之芝亭永言又賦謝李伯
宗題云至元庚辰冬臨川李伯宗黃仲律來
訪山中拾殘稿二百餘篇錄之攷伯宗為李
本字則是編當為李本所定也乾隆四十六
年九月恭校上

總纂官_臣紀昀_臣陸錫熊_臣孫士毅

總校官_臣陸費墀

賦

別知賦送素伯長

余忽忽處此之無故兮幾懷襄以自窮逝歛裳以遐征
兮抗九霄之雲風煩三辰之徘徊兮遲後古以為期何
夫子之俟俟兮亦踉蹌而在茲于嗟乎世德之浩浩兮

欽定四庫全書

道園學古錄

恥謂人以不賢陳珮珮王於交達兮被徒輿以瑤環設厚
顏之鬱沈兮孰敢即問乎津涯發疾叫于咽嗑兮眾披
靡而莫支夫冶倡之狐惑兮豈不足於內揆顧西子之
蓬垢兮並返忌乎故意惟前聖之無悶兮老氏亦貴夫
知希顧涼薄之多懲兮猶慷慨而尚辭余固將去此而
無悔兮念夫子之與我日進余以不及兮又證余以其
可余嘗究往來之為道兮論因革之為權莫或知其淺
落兮子獨謂其固然庶久子以自輔兮克有聞以時行

忽先我而南驚兮殆若為乎余情迺歌以送之曰長江
渾渾兮春多浪波白日耿耿兮擊楫為歌天薄我賦兮
非以病我于嗟兮昔之盛者何其多

古劍賦

吳季有劍古所服兮先時利行後伏匿兮歷世十百神
物來兮精英上浮久乃識兮截截庚庚玉理仄兮質化
光泯黝正黑兮匡視白日澹斂色兮燧人司金石水泐
兮終古不磨奇雄特兮勿棄勿試靈具戒兮鬼目睒睒

欽定四庫全書

道園學古錄
卷一

三

頭臂臂兮竊擬窺之自造慝兮靈怒殛女不女貸兮神
宮無人帝湛默兮季冠如山采衣翼兮長身好脩又正
直兮稱是容佩有加飾兮魚室珠繞雜文織兮虞于帝
傍順降陟兮握奇中運授神職兮旋陽制陰物不忒兮
辟却百非五兵息兮大宰不剋完以為德兮變窮于傳
填無極兮

畫枯木賦

夫誰畫此枯樹兮臨不食之散泉既偃蹇又啗食兮骨

岸岸以弗妍想執筆以極思忽機釋而神旋遺衆壞於
暫有勒不毀之所全或墜去於斤運或石泐於溜穿淪
無雨以如晦恍非規而能圓澹黝乎其既失旋蒼然而
在前命以物而不可孰春秋而論年噫吁嘻被革以毛
膏膚用丹肯為流眩順常注歡獨何為托寂寞於無意
而刻畫其不傳者邪

木齋賦

奎章閣藝文監秀才方積昔在匡廬讀書羣木之間謂
之木齋余愛其高秀而賦之其辭曰
夫何硤砢以差我兮據積水而鬱盤有梗楠與豫章兮

欽定四庫全書

道園學古錄
卷一

三

翳松柏之丸丸攬芳草之盈庭兮聽呦呦之鳴鹿濯余
纓於滄浪兮沐余髮乎飛瀑余潔清以有待兮歎望之
而彌高絪余驂以弗馳兮氣絳薄而心勞感春物之芳
葩兮又晚實之不食更千歲其未已兮退自脩乎茲室

操

思魯琴操

龜山之陰陰兮有雲垂天河目而海口兮將見其人望之彌尊兮即之彌親大音寥寥兮中信而真

芝亭永言

古詩四言

味經堂詩

有序

國子祭酒魯公伯子暈父作味經堂自為記以勗其子遠公嘗命遠從予遊故賦此詩

維昔玄聖有子過庭學禮學詩詔之丁寧面牆之室繇

欽定四庫全書

道園學古錄
卷一

四

不知味親能使學不能使嗜觀于德容聽于德音詠歌周旋實悅我心邈乎千載聖往言在舍而不求匪罔斯殆畏友輩公窮經篤行既有諸躬思貽厥成既蓄既畚俾稼之食既畋既漁俾鼎之實作堂高明曰子遠來吾經在茲遠其味之始余虛羸匍匐來食茹草飲血以禦朝夕窮人得歸自我父師俛焉斯文老至不知煌煌靈芝如彼嘉玉薄言采之在彼中谷南陽之人來詹來言君子豈弟宜其後昆

題宋誠甫侍郎垂綸亭

岷源建高駛無游舫漢會其委安流滔滔爰有君子垂綸其下雖不得魚意甚閒暇援藹引楫至于中沱蔭樹以休悠悠永歌逝波沄沄不轉維石樂茲忘憂矢言不食蒸然雲興風舉以高馳翔中天遺景九臯木其落矣魚亦潛渚睠言夙好除于風雨風吹衣裳彼為栖栖行吟望予實勞我思山有榛棘河有鯉鯉豈其飲泉必冷之美君子冠純秩秩大經洄有清酌可以濯纓

欽定四庫全書

道園學古錄
卷一

五

高彥敬青山白雲圖

兩崖之間曾不容舸白雲悠悠與山俱高

趙忠簡公祠堂詩

皇元至順三年春解州聞喜縣學用禮部符祠其鄉先生故宋丞相趙忠簡公公六世孫國子博士賈翁求虞集作迎送神詩

山河邈悠宗國為虛騎箕來歸懷此故都鳴臬在樹飢鯉在渚閼宮不存公食無所董澤之陂有蒲與荷子孫

具來式燕以歌瞻彼洛矣其水泱泱斯文在茲俾也可忘

秦檜既貶趙公於海南隨使人逼殺之公臨終從

所寓寺僧索素帛一方書其上云身騎箕尾歸天

上氣作山河壯本朝以付寺僧而絕聞喜之董澤

公鄉也

賦衛節婦王夫人

汎汎淇水岸有佳竹閨門嚴嚴樂爾貞獨泛泛淇流岸

有松舟閨門閒閒樂爾貞汎汎淇右有堂孔阜娟娟

欽定四庫全書

道園學古錄

六

貞幽肅肅眉壽淇原有泉可濯可沿亨蒿勺尊樂爾高

年高年樂止亦有孫子式歌衛風以告國史

題學易齋

其人將
詣孔林

惟學易君子慎其齋居動息有存起處是於奇耦玩畫

方員視圖畫循靜始夜根動初罔不在中日居月諸乃

秉元化以時盈虛共惟玄聖啓我後愚載瞻巍巍魯林

鬱如

古詩五言

讓草生竹間

讓草生竹間翠色相綢繆美人欣有託君子故忘憂昔

聞有鳴鳳飲水來丹丘不食衆木實樂只淇園秋

高竹臨水上

高竹臨水上幽花在崖陰以彼貞女姿當此君子心春

陽不自媚夕露忽已深湘妃昔鼓瑟悵望蒼梧岑

月出古城東

月出古城東海氣浮空濛車騎各已息宮闕何穹窿牧

欽定四庫全書

道園學古錄

七

馬草上露吹笳沙際風帳中忽聞鴈傳令鼓雕弓

書上京國子監壁

神京極高寒幽居了晨夜雷風無時發零雨每飄灑炎

光不到地蕭爽度長夏大化漠無宰豈必事陶冶揚雄

不曉事守道栖栖者玄經百無徵白髮謾盈把

至治壬戌八月十五日榆林對月

日落次榆林東望待月出大星何煜煜芒角在昂畢草

樹風不起蛩蛸絕啁啾天高露如霜客子衣盡白羸驂

齟餘棧發婦泣幽室行吟毛骨寒坐見河漢沒驛人告
晨征瞳瞳曉光發

憶三十年前與元復初參政同賦秋日梨花元有
句云朝食葉底梨莫看枝上花而忘其後句因
續之云

朝食葉底梨莫看枝上花花開食實後霜風振長柯遠
水良可鑒彩雲亦易過念爾白於雪日暮當如何

李老谷

欽定四庫全書

道園學古錄
卷一

十轉山崦交九度沙磧溜始辟平漠曠稍接山木秀老
病畏行役慰藉得良邁秋嶺晚更妍寒花晝如繡故園
夫如何朝陽眩霜袖

泰定甲子上京有感次韻馬伯庸待制

翰音迎日數儀羽集雲路寂寞就書閣老大長郎署為
山望成岑織錦待盈度我行起視夜星漢非故處

賦水木清華亭

中流泛蘭枻望彼嘉樹林落日蕩野水浮雲生夕陰游

魚戀芳藻好鳥鳴幽岑為樂恐易老吾將脫朝簪

天歷戊辰前續詠貧士一首

目昏畏附火枯坐寒窗中破褐著絮重虛豆兼冰崇病
骨於此時浮屠屹撐空呼兒檢餘厯記日待春風雖欣
解凍近翻驚紀年窮貴酒飲自廣無錢似陶翁

又一首答舍弟見和

蜀侯昔罹憂嶺海萬死中詩書庶不泯焉思祿位崇爾
來五十年所以恒屢空涉世惟信道卓然立頽風漫仕

欽定四庫全書

道園學古錄
卷一

非我能偶貧豈人窮深耕定有穫歸嘆兩衰翁

後續詠貧士四首

老骨寒不寐夜長况聞風心悸危欲折跼踖敗絮中鷄
鳴當晨參馬疥芻不充山童衣百鷄喚之愧勿勿求火
掃木葉庭樹亦已空決起不敢怠曙光屋南東苟遂牛
馬性歸放春草豐

歸蜀越關隴棧閣危登天適越河濟隔堰水丈尺間飢
寒迫旦暮舟車計茫然東家有一叟欲去初不言早朝

聽詔畢喚馬閭闔前童奴受宿戒向暖相爭先聞之嗔
兒子我何為汝牽屨無千金價吾足安暇憐

為政貴察色讀書在研覃司視既不明兩者無一堪尚
不遑吏責為師固宜慚聖世無棄物况茲久朝簪決去
豈我志知止亦所諧頗聞南山下菊根浸寒潭濯餌干
日期冰臚復清涵老馬果識道更服鹽車驂

天風夕號怒霜日殊清妍探架得古書前日手所編奈
何視茫茫字若萬蟻緣精意成寂寞惆悵還棄捐於惟

欽定四庫全書

道學古錄
卷一

仲尼哀清夢不復然小子未聞道何以卒歲年

觀花有感

掛巾花樹枝酌酒花樹下風吹巾上塵花落手中葦清
唱起相壽毋遽且聊暇流光急去人莫怪行樂者

赤城館

雷起龍門山雨灑赤城觀蕭騷山木高浩蕩塵路斷魚
龍喜新波燕雀集虛慢開戶微風興倚杖衆雲散

同閣學士賦金鴨燒香

黃金鑄為鴨焚蘭夕殿中窈窕轉斜月逶迤動微風綺
席列珠樹華燈連玉虹無眠待顧問不知清夜終

退直同柯敬仲博士賦

月下白玉階露生黃金井疎條栖鵲寒蕙流螢冷戀
闕感時康懷歸覺宵永晨鐘禁中來白髮聊自整

送良上人賦得井上桐

桐陰秋轉薄井氣曉為霜交柯舞幽鏡墮葉響鳴璫高
巢翠羽下澄水玉蚪藏上人從定出行吟繞石牀

欽定四庫全書

道學古錄
卷一

送吳子高

懷寶獻京國悼亡還獨歸日落雲中樹風吹江上衣湘
靈瑟在席織女石支機遠道多寂寞強飯勿相違

于仲元舍賦紅梅

白雪不成夜丹霞遂崇朝妙質承日映飛英向風飄醉
來紅袖近歌罷綵雲消揚州問何遜何似董嬌嬈

寄題新冶亭

窈窕冶亭莫蕭條江南秋泛覽山河外張樂鳳凰丘公

子飛翠蓋美人回綵舟從茲至黃髮樂哉以忘憂

題儋耳東坡載酒堂

翳翳儋耳城歷歷桄榔樹百年遺故丘新堂設賓阼清風海上至朝陽在庭戶丹山五色鳳覽德屢來下甘辛熟桂酒羅列雜諸獮苻黎多孫子食飲祭先具蛟龍波浪深歸來風雨除

鑿井得甘泉渴者恒自私流潤不擇地委順復何疑海南絕風雨水木况華滋隣舍解讀書諸生還誦詩何必

欽定四庫全書

道園學古錄

三

懷故都聊樂宜在茲星河度白鶴山月懸蛾眉來晚去何速勞人千載思

盜發亞父塚

彭城有盜藏寶氣於亞父塚上發之得一劍云

盜發亞父塚寶劍實累之塚開寶氣盡獄吏書盜辭盜言惟見寶寧知亞父誰項王不相信弟子遂與尸黃壤下深銅千歲復何為大河繞城東落日在城西過客立城下踟躕望安期

應制題王肅畫吳王納涼圖

雨過太湖上風生響屨廊紅綃拂几席白苧製衣裳朱光淪厚地明月在高堂何以保玉體長年樂未央

步虛詞四首

步虛長松下流響白雲間華星列燿火明月懸珮環肅然降靈氣穆若愉妙顏竹宮澹清夜望拜久乃還稽首望太霞離羅間層霄網緼結冲氣要眇出空謠前參干景精後引務猷收攝衣上白鶴招搖事晨朝朱光出東海高臺迎赫曦六龍獻陽燧九鳳保金支鍊

欽定四庫全書

道園學古錄

三

丹軒轅鼎濯景崑崙池拜賜冰玉佩玄洲共遨嬉學仙淮南王問道劉更生三年鍊神丹九載凌上清日月作環珮雲霓為旂旌回首召司命靈雨灑蓬瀛

題商學士畫

方士好服食商山多紫芝采之長松下濯以清澗漪滄涼百里內秦皇都不知駕舟載男女築宮東海涯

贈藝監小吏

廣術何迢迢榆槐蔭蔽之鼓鐘晨莫起車馬中間馳此

有孀居者閉戶教孤兒十歲學文史十五從吏師丹青
出天性落筆有令姿藝監取材伎小大無一遺署兒筮
庫下祿薄不足為手持一束書求以慰母思告兒勿薄
吏公卿出自茲請看孟氏里軻母自有祠

記子昂畫

春風動蘭葉庭戶光陸離言收竹上露石角掛練衣車
行不擇路采苴何楚楚遊子愴忘歸徘徊歲云莫

送西臺治書仇公哲

欽定四庫全書

道園學古錄
卷一

十四

陝郊得時雨生意始來復存者事稼穡還者葺牆屋安
知凋瘵餘政可致新福闢除正廣術區井表深瀆均齊
定恒志忠厚保敦篤豈無憂世士受仕在芻牧為義苦
多違好名常不足治書肅將指善類庶有勗

送張道士歸上清

白雲盱水上自古多仙人手攜綠玉杖頭戴白綸巾袖
中出風雨天上禮星辰歸來庭戶靜芳草自生春

日出行

日出上城府日莫當蚤歸城門已擊拆出郭何焉依下
馬投館人空垣月當扉涼風振庭樹巢鳥屢驚飛起坐
搔白髮忽如霜草稀周公不復夢仲尼故沾衣老萊有
孺色傳聞惟食薇求之事已晚徘徊行道微

贈治冠者

車馬入隘巷言尋治冠師反關不受客高坐哦書詩布
衣不掩脰晝食甘藿藜冠成動經歲不售亦不辭我少
好文章把筆無不為愧爾爰寂寞慎與當自茲

欽定四庫全書

道園學古錄
卷一

十五

贈寫真佟士明

佟郎居上京閱人如風花拈筆寫其似千歲留英華邇
來七十年將相紛在目來者有如此往者那可續昔我
初北遊面白鬢如鴉點染煩粉墨華星映丹霞今如雪
中松苦硬雜蒼白却視當年容邈如不相識不識當如
何臨風且長歌黃雲接河漢白雪漫陂陀乞身願歸老
吳蜀山總好贈君千黛螺翠色秋可掃

寄陳衆仲助教上都作

學省足清畫詞垣驚蚤秋美人隔河漢落月在高樓持衣未成曲吹笛不勝愁還趨鵲觀別製鵲鵲表

贈鐵菴道者二首

昔遊雲臺觀山色上衣青松花春雨落栢葉秋露零飢來煮白石睡起看黃庭人間忽已老莫問少微星海上別妻子山中求茯苓白虎戲玄渚蒼龍護黃局燒香招五老行厨庖六丁從子似非遠丹霞聚華星

題商德符華山圖

欽定四庫全書

道園學古錄

卷一

昔祠雲臺館行穿御階栢夕陰嵐氣深重碧照行客獨訪張超谷漸覺巖險迫冰生玉井頭日射仙掌側豈無鐵鎖懸翻身若飛鵬恐煩華陰令不奈昌黎伯王事况有程車馬何忽忽流觀終南山周覽天府國爾來十七年欲往不再得山河想邈悠傷殘轉蕭索摩挲商老圖彷彿希夷宅高哉蓮華峰白雲澹秋色

寄幻菴主者

朝遊武夷麓莫入匡廬岑放舟臨野水采藥過幽林清

泉磨寶劍磐石鼓瑤琴臘月歸溪上還作早春吟

賦茅山道士雲松巢

昔年李太白廬山思結巢褰雲自天上和鶴止松梢道士潘閒遠高居古大茅誦經門卧虎看劍石眠蛟飛步脫鳧舄長吟吹鳳匏九江覽秀色許爾作神交

酬上清道士鈔陰何詩

殘雪松上落輕冰硯裏生寫詩過夜半歌枕又天明少陵愛何遜太白似陰鏗不愁勞弱翰亦足動高情

欽定四庫全書

道園學古錄

卷一

題李溉之學士白雲半間

山中多白雲何由到城邑招之恐不來欲攬遽無跡栖檐候晨光納牖作秋色用冲不為盈常住寧若客分張任蒼松散落還白石日照香爐峯月射仙掌側有恩封一鄉與子當共食

題浴日觀

煌煌赤老鳥三浴乃出海波濤始沆瀣宇宙破冥昧西登泰華巔東望方丈外稽首希夷翁今晨慶良會

為范尊師賦雲林清遊

大茅千仞下結屋三四楹雲林戶牖潤鶴去海天平坐
上發長嘯人間聞玉笙斲苓春霧重煮朮晚烟輕綠室
噓丹氣蒼崖受日精樵遺伐木斧真降引霓旌九鼎金
還就千齡樹不傾問誰解居此云是范長生

吹笛圖

白雲悠悠去長松披高丘匡坐吹笛人似是馬督郵飛
鴻遺哀響幽泉發春流女樂亦何有消搖以忘憂

欽定四庫全書

道園學古錄
卷一

送甘以禮調官歸鄉

甘君有良材於政無不宜白頭郡縣下尚覺非所施奈
何筦庫冗而可紬吏師豈直名吏師積學本書詩高情
抗浮雲廉節濯清漪君子安所遇固無喜愠辭嗟我忝
從官簪筆恒殿帷竟無國士薦徒稱故舊知晚歲向田
里藜杖相追隨尊酒以怡老未為負明時

送李彥方閩憲

大監李公彥方出貳閩憲同朝羣公皆賦詩以為贈

彥方屢擢臺職激揚之宜有不待予言者適有一事

深有感於愚衷先正魯國許文正公實表章程朱之
學以佐至元之治天下人心風俗之所係不可誣也
近日晚學小子不肯細心讀書窮理妄引陸子靜之
說以自欺自棄至欲移易論語章句直斥程朱之說
為非此亦非有見於陸氏者也特以文其猖狂不學
以欺人而已此在王制之必不容者也閩中自中立
之歸已有道南之歎仲素愿中至於元晦端緒明白
皆在閩中不能不於彥方之行發之去一賊吏治一
弊政不如此一事有以正人心儒者之能事也集卧
病目肯尤甚援筆書此云

欽定四庫全書

道園學古錄
卷一

十九

七閩去天遠顛連苦無告收入受深寄昧者覆為暴犀
象雜金貝飢渴劇飮膏大言相鄙夷饜奪心自恣豈無
循廉吏實病黑白撓聰明屬旒黠聽瑩資所到李侯金
閩彥圖史擅讎校晨聞大夫奏夕理武夷棹君子慎脩
職寧適豐庖稍蕉荔甘多毒薑桂老堪笔所懷延平翁

楊休似明道授受有源委精微足探討言立聖如在表
正愚可造師匠久不興真妄如枘鑿云何謂支離肆誕
長亮傲異言古所誅末學足深悼閩雖在海隅前聞此
淵奧正誼從簡編良俗宜善導贈言不及他持此永為
好

題鄭秀才隱居

陶翁昔好菊荒徑不暇鋤素琴初無絃名酒亦屢虛雖
有二三子薪水不讀書淒涼千載下高名將焉如不如

欽定四庫全書

道園學古錄
卷一

鬼谷洞鄭子樂有餘種菊以為田田中更為廬善樂不
二價詠觴送居諸有子揮五絃涼風在庭除時來青田
鶴亦出濠梁魚昨者遊京師侯門曳華裾捧檄忽一喜
翩然告歸與芳蒲采甘露玉漿釀清醕老父坐堂上稚
子具籃輿晨遊南山陞暮濯清水渠席間撫猗蘭房中
詠關雎以此得高壽何必南陽居

題朱郎竹木

猗猗淇園竹結根盤石安枝幹相扶持風雨不可干其

實鳳所食君子思保完恒恐聲影疏蕭條霜露寒金玉
慎高節千載承清歡

詠史

軒后邈已遠漢武亦雄哉荒忽九州外百年過煙埃變
化庶長久臨海築層臺黃金靡鏤飾喬林摧斷截樂通
竟先死孫卿殊未回不知作者意空令來者哀奉盤泣
繁露馳道殷奔雷志氣昔所在風雲恒往來

畫古木

欽定四庫全書

道園學古錄
卷一

荒郊卧蒼苔蛟龍在其上不知風雨來垂影一千丈後
主撥鐙法江南久寂寥空令沒骨畫容易媚中朝

賦蘇伯脩滋溪書堂

滋源恒伏流春雨川乃盈林疇廣敷潤草木俱繁榮臨
深見遊鯈仰喬有鳴鶯君子樂在斯齋居托令名積學
抱沈默時至有攸行抽簡魯史存採詩商頌并禹穴追
馬公湘江歌屈生紉蘭不盈握伐木有餘情浩然欲浮
海歸興還濯清方舟我為楫白髮愧垂纓

題薛外史瓊林臺

高臺積方石瓊林樹交柯晨光眩白雪夕景纏紫蘿每
聞樵子唱恐是仙人過塵世在足下豈能聞笑歌過海
祇騎鶴開池還養鵝外史政瀟灑太白烏足多

送張兵部孟功巡河分題得屋上烏

花發上陽春門開未央曙城柝起羣栖流光散朝羽息
影須近檐結巢願當戶轆轤轉金井終日灌嘉樹

題彭澤陶氏家譜

欽定四庫全書

道園學古錄

三

百甕在戶外五柳當門前燕去王謝宅人依墟里煙述
德尚千載人情猶昔年以安遺孫子高哉為世賢

道園學古錄卷一

欽定四庫全書

道園學古錄卷二

芝亭永言

元 虞集 撰

古詩七言

賦洛川老人九十

洛川老人年九十鬚眉如畫身玉立錦袍金帶方烏巾
手挽强弓無決拾八月平原秋氣高聞有狡獸依蓬蒿

欽定四庫全書

道園學古錄

一

清晨上馬薄暮返累騎毛血懸韃橐身是前朝將家子
生逢太平百無事都將英氣化高年何物小兒堪指使
太守上言朝有恩束帛養牛兼上尊洛川老人過百歲
擊壤為歌傳子孫

張令鹿門圖

張侯襄陽人深知襄陽樂十年宦學懷襄陽故托豪傑
寫山郭老我不樂思蜀都人言嵩陽好隱居三十六峯
常對面水竹田廬還可圖欲往不能心惴惴忽見新圖

被山惱沙禽浦樹俱可人金澗石牀為誰好向來耆舊
皆英雄駕言從之道焉從弄珠月冷識遊女沈劍潭深
知卧龍八月霜暗水清淺聞道扁舟足迴轉何時古寺
傍檀溪幾處殘碑在江峴呼鷹臺高秋草多養魚池中
蓮茨波蜀嵩未必不如此我今不遊奈老何張侯張侯
蚤結屋莫待史詹為君卜要看壠上課兒耕好在魚梁
白沙曲

子昂畫馬

欽定四庫全書

道園學古錄
卷二

憶昔從公侍書殿天閑過目如飛電池邊儘有吮豪人
神駿誰能誇獨擅公今騎鯨隘九州人間空復看驊騮
惟應馭氣可相逐黃竹雪深千萬秋

湛湛行

湛湛天宇玄以黝星白如銀垂近人牛羊散漫草多露
大帳中野傍無隣去年八月羽書急婦女上馬小兒泣
今年八月天子來身屬橐鞬月中立

家兄孟脩父翰賦南還

大兄五月來作客八年不見頭總白五人兄弟四人在
每憶中郎淚沾臆我家蜀西忠孝門無田無宅惟書存

兄雖筦庫實父蔭弟竊微祿承君恩文章不如仲氏好
叔氏最少今亦老五郎十歲未知學嗟我何為長遠道
諸兒讀書俱不多又不力耕知奈何憂來每得二三友
看花把酒臨風哦蜀山嵯峨歸未得盤盤先壠臨川側
碧梧翠竹手所移應與青松各千尺南風吹雪河始冰
兄歸烏帽何稜稜明年乞身向天子共讀父書歌太平

欽定四庫全書

道園學古錄
卷二

子昂墨竹

吳興畫竹不欲工腕指所至生秋風古來篆籀法已絕
止有木葉雕蠶蟲黃金錯刀交屈鐵大陰作雨山石裂
蛟龍起陸真宰愁雲暗蒼梧泣湘血吳興之竹乃非竹
吳興昔年面如玉波濤浩蕩江海空落月年年照秋屋
商德符畫幽篁古木

湘君宮在洞庭湖幽篁古木龍所都石壇雨長碧苔鮮
水屋風動青珊瑚老人歌枕看螻蟻嫠婦停舟聽鷓鴣